



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 58. Nuntius Pontificius, & Rabesteinius irati Regis jussu inclusi

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

Sæcul. XV. A C 1462. Accepto responso Oratores re infecta domum revertuntur, & Pragam ingressi, in generalibus regni comitiis, quæ ad decimam Augusti diem S. Laurentio sacram indicta fuere, ad alloquium admittuntur. Podiebracius comperto Pontificis responso adeo exarsit, ut iræ suæ imperare nescius, in Papam & Apostolicam Sedem vehementius inveheretur, palamque ediceret: immerito Papa obedientiam sibi præstari postulat, cum superiori deroget auctoritati; Synodo enim inferior est. De cetero nunquam ab obsequio Romanæ Ecclesiæ debito discessi; quia vero in usu Communionis sub utraque specie educatus, atque enutritus sum, ita & in eadem fide & vivere & mori volo. Nimirum præcipuus hic erat articulus, qui tum vel maxime agitabatur.

§. LVIII.

Nuntius Pontificius, & Rabesteinius irati Regis jussu inclusi.

Comment. *Pii 11. lib. 10* *Duhrav 1. 30* *Papiensis 1. 6* Cum iracundiæ motus, nisi rectæ rationis legibus coerceatur, cuncta moderationis repagula disrumpat, Regem quoque ad tantos furoris impetus concitavit, ut Fantinum de Valle, a Pontifice, ut Baronibus Catholicis Romæ acta referret, unacum Oratoribus Bohemis ablegatum comprehendi

di juberet, dicens: Fantinum non ut Legatum Pontificis sed ut meum olim Procuratorem in arctissimum carcerem conjicere compellor. Pariter Procopium Rabesteinum custodiæ dedit, & officio Cancellarii exiit, caussatus, ambos demando eis muneri defuisse, eoquod nimis segniter Regis, regnique caussam e-gissent. Verum sedata indignationis suæ violentia Nuntio libertatem, & Procopio pristinam restituit dignitatem; Fridericus enim Imperator, & Ludovicus Bavarix Dux pro utroque deprecabantur. Postea Fantinus carcere solutus, Romam rediit; Procopius vero ad Imperatorem missus, Bohemorum res curavit.

Sæcul. XV
A.C. 1462.

§. LIX.

*Suppetiæ a Rege Bohemix Imperatori
adversus Albertum ejus fratrem
latæ.*

Aliquo post tempore Fridericus Imperator Viennæ in Austria ad arcem fugere compulsus est, ubi ab Alberto fratre suo tam arcte cingebatur, ut missis O-ratoribus Podiebracii opem implorare cogeretur. Rex comperto mox extremo Cæsaris discrimine, quantocius die octava Novembris Praga in Austriam contendit, ubi insigne prorsus prudentiæ ac

E 4

mili-